

沈丘縣志卷之二

天文志 星野

按漢地理志陳穎俱古豫州域為氏房心分野
又為角亢分野沈舊隸穎今隸陳則分野當從
陳穎故辨域分星占祥察變而遇災省咎不可
因之以修德修教也哉殆不可以方隅之限而
忽之也為天文志

星野

氏房心在卯宋豫州分野爾雅曰氏天根也角亢下係於氏若木之有根

宋分唐天文志曰氏房大火也和氏二度餘千四百一十九抄五太中房二度終尾六度自雍

沈丘縣志 卷二

丘東南接太昊之墟西接陳鄭盡古商亳之地山堂考索云氏十六度房五度心三度費直起

氏十一度天文志云淮陽入心一度

角亢在辰鄭兗州分野唐天文志曰角亢壽星也初軫十度餘八十七抄十

四抄中角八度終氏一度自原武管城盡陳蔡汝南之分地皆豫州之分野鄭兗州又云角十

一度亢九度

論曰星野之不相值自昔疑之漢鄭玄氏註保章已謂其書亡矣後世諸家紛紛聚訟說者猶有取於唐僧一行以今考之亦未見度數之盡合也蓋沈丘割陳穎項之地而成縣陳穎項俱古豫州域為氏房心分野按項天文志南亳為

心分豐沛為房分西接陳鄭為氏分沈在陳之南項之東似屬氏。迨考穎志曰角亢壽星也氏涉壽星東與亳地土相接次南直潁水之間曰太昊之墟為亢分又南涉淮氣連鶉尾在成周之東為角分沈舊為潁地又在太昊之墟之南似屬角亢邑舊志又載潁州屬鳳陽在禹貢時為揚州域天文斗分野戰國屬楚陳州在戰國時亦屬楚在秦併為潁州郡今縣治正潁州地在天文當屬斗第考陳穎項志並無斗之說總數論而折衷之則沈為角亢之分明矣雖然沈

在梁豫僅一彈丸則梁豫星豈沈所得專哉顧先朝因星變而察吏治未聞以地限夫郎官與列宿應則觀妖祥而救政序事亦與有責矣慎勿謂某星非我分野而援經以自解云